

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 09:00 SATI

U toku noći ekipe Kantonalne uprave civilne zaštite i općinskih službi civilne zaštite, kao i pripadnici PVJ Kantona Sarajevo i DVD su nastavili aktivnosti na pružanju pomoći stanovništvu na područjima koja su najugroženija od poplava.

Prema podacima dobivenim od Federalnog meteorološkog zavoda – Sektora hidrologije visina vodostaja na rijeci Bosna, mjesto Reljevo jutros u 08:05 sati je iznosi 498 cm i ima tendenciju blagog rasta, dok je na rijeci Miljacka, mjerno mjesto Ćumurija iznosio 213 cm i ima tendenciju opadanja.

Prema dobivenim informacijama od općinskih centara civilne zaštite stanje na području Kantona Sarajevo uzrokovano kišnim padavinama je slijedeće:

Općina Stari Grad

U toku noći preventivno su punjenje i postavljene vreća sa pijeskom i oko 500 vreća je postavljeno kod „Inat kuće“ i drugih lokacija koja su ugrožena od poplava. Danas će se nastaviti sa aktivnostima na postavljanju vreća sa pijeskom uz korito rijeke Moščanica i Miljacka.

Općina Centar

Provodeći preventivne mjere zaštite napravljen je nasip od vreća sa pijeskom na lokaciji mosta Drvenija.

Općina Novo Sarajevo

Na području općine nema većih problema. Tokom dana ekipe OpSI CZ će kontinuirano pratiti stanje sa mostovima na teritoriji općine (naročito pješačkim: „ARS AEVI“, kod hotela Bristol i na Čengić Vili kod mosta Bosansko-Malezijskog prijateljstva)) i blagovremeno reagovati.

Općina Novi Grad

Rijeka Bosna se izlila iz svog korita i poplavila područje od Bojnika do Reljeva, uključujući Dobroševiče i Rajlovac. U Rajlovcu su poplavljeni svi privredni objekti i oko 30 stambenih objekata. U Zabrdju potok Lepenica je poplavio nizijske dijelove naselja. Dvije kuće su ugrožene, od kojih je iz jedne porodica iseljena na sprat. U poslijepodnevnim satima je završena evakuacija uposlenika iz poslovne zgrade Robot comerc u Rajlovcu. U evakuaciji su učestvovali pripadnici PVJ Sarajevo i pripadnici oružanih snaga BiH. U Nedžarićima (kod Katoličkog školskog centra) i u Briješću je riješen problem izlivanja rijeke Dobrinje, koja se izlivala zbog začepljenja korita. Ekipe OpSI CZ Novi Grad su na terenu i prate situaciju i poduzimaju neophodne mjere zaštite.

Općina Ilidža

Usljed obimnih kišnih padavina došlo je do izlivanja vodotoka na području općine Ilidža. Trenutno su najugroženija područja MZ Blažuj na potezu od magistralne ceste

Sarajevo- Mostar prema gradskom groblju Vlakovu gdje je došlo do plavljenja većeg broja privatnih kuća i industrijskih pogona i MZ Rakovica, gdje je usljed izlivanja Rakovičkog potoka došlo do plavljenja kuća i industrijskih pogona na potezu od pilane Hulio do ulaza u Rakovicu kao i u Gladnom polju gdje su najviše ugrožene ul. Stara Pruga i ul. Plantaže. Bager firme "Bosman" doo je vršio intervenciju u periodu od 9:00-16:00 na slijedećim lokacijama: u ul. Dobrinjska, na pročišćavanju rijeke Dobrinja (salon namještaja Nukić) - granje i drveće, balvani i ostali otpad; u ul. Pijačna, pročišćavanje pješačkog mosta na rijeci Dobrinji, grane i drveće; u ul. Bare kod stupa pročišćavanje mosta na rijeci Dobrinji, grane i drveće; intervencije na sprječavanju prodora u naselje Doglodi. Bager firme Euro Asfalt vršio intervenciju od 15:00-19:00 na slijedećim lokacijama: vađenje iz korita rijeke Dobrinje granje i drveće, na mostu Bare kod Stupa; ul. Aleja B. Srebrene, mali most - pročišćavanje granje i drveće i balvani; rijeka Tilava, kod objekta MZ-e pročišćavanje korita od granja i ostalog građ. materijala koji je bio nabačen. Ul. 13 Juni - kod mosta, pročišćavanje granja i drveća.

Trenutno su nivoi vodotoka na rijekama: Željeznica, Bosna, Dobrinja i Kasindolnog potoka u opadanju, do 20 cm.

Općina Hadžići

Uslijed obilnih padavina došlo je do izlivanja potoka i bujičnih voda, te klizanja i odrona zemljišta na slijedećim lokacijama:

- izlivanje vode na saobraćajnicu Hadžići-Igman u Igmanskoj ulici u Hadžićima,
- izlivanje vode na putu Hadžići-Drozgometva u naselju Vrančići (propust kod raskršća) za Vrančiće,
- izlivanje vode na lokalni put u naselju Grivići,
- izlivanje vode u naselju Binježevo (potok Molotina) ugroženo više kuća i pratećih objekata,
- izlivanje vode na magistralni put M17 kod Kaparola u Binježevo br. 1.,
- izlivanje vode iz korita u Drozgometvi naselje Luka,
- izlivanja vode oko više stambenih objekata u naselju Resnik,
- plavljenja djela pogona u TRZ Hadžići,
- plavljenja podrumskih prostorija u jednom stambenom objektu u ul. Donji Hadžići br. 69.,
- izlivanje kanalizacije u naselju Miševići kod skladišta MUP-a, poplavljeno nekoliko pratećih objekata,
- klizanje zemljišta u naselju Binježevo-Potkraj, ugrožena jedna kuća,
- klizanja tla ul. Miševići do br. 56. (ulaz kod Kerametala), ugrožene tri kuće,
- klizanja tla (odron dijela puta) na lokalnom putu Hadžići-Košćan,
- odron škarpe na putu u Drozgometvi - Selimovići (kod Petitora).

Ekipe OpSI CZ su stalno na terenu i poduzimaju neophodne mjere zaštite.

Općina Vogošća:

Obilna kiša koja je padala u noći 13. na 14. 05.2014. godine i na području svih osam vogošćanskih mjesnih zajednica uzrokovala je brojne probleme koji su bili vezani za izlivanje vode iz vodotoka. Zbog vode potpuno je bilo blokirano više putnih komunikacija, tako da je bio otežan pristup u naselje Barica, Ljubina, pristup ulici Ahmeda Rizve, te pristup objektu Kantonalnog Crvenog križa u Gornjoj Jošanici (Jošanički potok). Na mostu preko rijeke Vogošća kojim se prilazi u ulicu Ahmeda Rizve jedno vozilo je bilo blokirano i iz njega su evakuisani žena i jedno dijete. Hotonj i veći dio Kobilje glave ostao

je bez struje. Rijetki su potoci koji su uspjeli prihvatiti nagli priliv vode tako da se, zbog začepjenja propusta, voda izlijevala po putnim pravcima.

Najteža situacija je u Gornjoj Jošanici u kojoj je, pored putne komunikacije, ugroženo više stambenih objekata te elektro i plinska instalacija. U blizinu stambenih objekata voda je došla i u Mjesnoj zajednici Gora u ulici Ljubina do broja 51. Služba Civilne zaštite Općine Vogošća, uz angažovanje mehanizacije firmi „Hidrom“ i „Ame“ sprečavala je daljnje izlijevanje vode na putne komunikacije te istu „odbijala“ od stambenih objekata.

Na prijedlog Općinskog štaba Civilne zaštite Općine Vogošća dana 14.05.2014.godine Edin Smajić, načelnik općine proglasio je stanje prirodne nesreće na području Općine Vogošća zbog poplava i klizanja tla.

Civilna zaštita, njene Službe te javne ustanove i privredni subjekti od značaja za općinu stavljeni su u mobilno stanje i preduzimaju mjere vezane za ublažavanja posljedica koje nastaju usljed obilnih kišnih padavina. Vodostoj rijeka Bosne i Ljubina i drugih vodotoka je u porastu te je bezbjednost više desetina stambenih objekata ugrožena na područjima Mjesnih zajednica Svrake, Semnizovac i Gora. Pet porodica iz naselja Svrake je evakusano iz svojih stambenih objekata i smješteno u alternativni smještaj. Tokom jučerašnjeg dana Vogošću je posjetio i Fahrudin Solak, direktor Federalne Uprave Civilne zaštite Bosne i Hercegovine sa saradnicima koji je pritekao u pomoć te je ekipa Federalne uprave Civilne zaštite iz poplavljenog stambenog objekta u naselju Gora evakuisala Zejnu Talović, nepokretnu ženu u poznim godinama te joj tako spasili život.

Tokom noći nastavljene su aktivnosti vezane za ublažavanje posljedica uzrokovanih izlijevanjem voda iz njenih vodotoka. Porast vode rijeka Ljubine i Bosne doveo je do dodatnog izlijevanja vode u Svrakama i Gori te povećao broj ugroženih objekata i broj, lokacija na kojima se pojavilo klizanje tla. Putna komunikacija Gornja Jošanica još uvijek nije deblokirana i potrebna nam je pomoć u mehanizaciji. Također, zbog vode na kolovozu otežan prilaz automobila ka Vogošći iz pravca Semnizovca. Klizišta aktivirana u: Slatinskom putu do broja 79, Dreskjovali, Tihovićima iznad džamije, Potorovićima do broja 33, u Gori-lokalitet centra za rehabilitaciju boraca (ugrožena stoka u štali), Podgaj, Miholjići do broja 17, Donja Vogošća bb u Semnizovcu, Ljubina u Semnizovcu, u ulici Muje Šejte, u naselju Uglješpiući-promjene na saniranoim klizištu. Blagovac nema vode kao ni nova industrijska zona u Vogošći.

Općina Ilijaš

Trenutno su najugroženija područja uz rijeku Ljubinu koja se izlila iz svog korita ali za sada nema ugroženih objekata. U toku noći došlo je do izlijevanje rijeke Bosne u D. Luci, ugrožena je jedna kuća. Ekipe OpSI CZ su preventivno djelovali praveći nasipe da bi spriječili izlijevanje rijeke Misoče iz svog korita.

Općina Trnovo

Trenutno su nivoi vodostaja svih rijeka u opadanju tako da nema opasnosti od njihovog izlijevanja.

Treba reći, da su na terenu i dalje angažovane ekipe Kantonalne uprave civilne zaštite i općinskih službi civilne zaštite, te pripadnici PVJ Kantona Sarajevo i pripadnici DVD.